

# KINGDOM WOK BLONG YUMI

MAJ 2013

## WIK WE I STAT LONG 11 MAJ

Singsing 68 Mo Prea

### ❑ Baebol Stadi Blong Kongregesen:

gt japatia 131 (30 minit)

### ❑ Tiokratik Skul:

**Baebol riding:** Mak 13:16 (10 minit)

**N. 1:** Mak 14:22-42 (no bitim 4 minit)

**N. 2:** ?Baebol i Kamaot Long Hu?—fg pej 6, kwestin 1 (5 minit)

**N. 3:** ?OI Stori Long Baebol Long Saed Blong Ol Gudfala Fren, i Tijim Yumi Long Wanem?—lv pej 27-30 haf 8-11 (5 minit)

### ❑ Miting Blong Kingdom Wok:

Singsing 109

**10 minit:** ?Yumi Lanem Wanem? Tok wetem kwestin mo ansa. Askem long narafala blong i riddim Matiu 10:7-10 mo Luk 10:1-4. Tokbaot se ol vas ya oli givhan long yumi olsem wanem long wok blong prij.

**10 minit:** Ol Rod Blong Mekem Moa Long Wok Blong Prij—Haf 1. Tok wetem kwestin mo ansa we i stanap long *Kingdom Wok* blong Maj 2007, pej 3 haf 6 kasem pej 4 haf 4. Askem kwestin long wan no tu pablis, we oli wantem mekem moa long wok blong prij, nao oli muv i go long wan narafala ples no oli lanem wan narafala lanwis. ?Wanem sam samting we i had long olgeta? ?Wanem samting we famle blong olgeta mo kongregesen i mekem blong givhan long olgeta? ?Oli kasem wanem blesing from?

**10 minit:** “Taem Yumi Rere Gud From Memoriol Yumi Glad Tumas.” Kwestin mo ansa. Tokbaot ol plan blong Memoriol. Tokbaot olsem wanem wok blong singaot ol man oli kam long Memoriol i stap gohed.

Singsing 8 Mo Prea

## Taem Yumi Rere Gud From Memoriol Yumi Glad Tumas

<sup>1</sup> Memoriol we bambae yumi mekem long Tusde 26 Maj, i givim janis long yumi blong soemaot se yumi glad from rod we God i me-

1. ?Memoriol i givim janis long yumi blong mekem wanem?

kem blong sevem yumi. (Aes. 61:10) Taem yumi glad, bambae yumi rere gud bifio long Memoriol. ?Yumi rere gud olsem wanem?

<sup>2</sup> **Rere Gud From Memoriol:** Lodsapa i no wan seremoni we i flas, be hem i gat bigfala mining. Taswe, yumi mas mekem wan gudfala plan, blong yumi no fogetem ol smosmol samting we oli impoten. (Prov. 21:5) Yumi jumsum wan stret ples mo taem blong hem. Yumi mas gat stret bred mo waen. Yumi klinim mo flasem ples blong miting. Brata we i givim tok i mas rere gud. Olgeta we oli pasem bred mo waen, mo ol man blong welkam, oli mas mekem gudfala plan tu. I tru, plante long ol samting ya, yumi mekem finis. Yumi glad se Jisas i ded blong sevem yumi, ale samting ya i pulum yumi blong yumi rere gud from spesel taem ya.—1 Pita 1:8, 9.

**3 Yumi Rere Gud Long Hat Blong Yumi:** Yumi wantem kasem bigfala mining blong Memoriol. From samting ya, yumi mas rere gud long hat blong yumi. (Esra 7:10, NW) Yumi save makemaot taem blong mekem Baebol riding blong Memoriol, mo yumi tingting dip long ol samting we oli hapen long ol dei bifio we Jisas i ded. Taem yumi tingbaot we Jisas i rere blong lego evri samting blong sevem yumi, bambae yumi wantem folem fasin blong hem.—Gal. 2:20.

<sup>4</sup> Taem Jisas i ded, hem i soemaot se Jehova i rul long fasin we i beswan. Mo tu, hem i mekem rod blong yumi kamaot long sin mo ded. (1 Jon 2:2) Hem i openem rod blong yumi save fren gud wetem God, mo yumi save kasem laef we i no save finis. (Kol. 1:21, 22) Ded blong Jisas i givhan long yumi blong yumi mekem tingting blong yumi i strong blong holem promes we yumi mekem long Jehova. Mo tu, ded blong Jisas i mekem se yumi wantem gohed strong olsem ol disaepol blong hem. (Mat. 16:24) !Taem yu yu rere gud from Memoriol mo yu joen long hem, bambae yu glad moa!

2. ?Yumi rere gud long Memoriol from wanem?

3. ?Yumi mekem wanem blong rere gud long hat blong yumi?

4. ?Ded blong Jisas i karem wanem blesing we i mekem yu glad moa?

## WIK WE I STAT LONG 18 MAJ

Singsing 120 Mo Prea

### □ Baebol Stadi Blong Kongregesen:

gt japta 132 (30 minit)

### □ Tiokratik Skul:

**Baebol riding:** Luk 1-3 (10 minit)

**N. 1:** Luk 1:24-45 (no bitim 4 minit)

**N. 2: ?From Wanem Yumi Bilif Se Baebol i Kamaot Long God?—fg pej 6, kwestin 2 (5 minit)**

**N. 3: ?Olsem Wanem Yumi Save Jusum Ol Gudfala Fren Long Kongregesen?—lv pej 30-32 haf 12-15 (5 minit)**

### □ Miting Blong Kingdom Wok:

Singsing 118

**12 minit: "!Yumi Soemaot Se Yumi Glad We Oli Kam!"** Kwestin mo ansa. Yu askem long wan pablisa blong i mekem tu pleplei. Faswan i blong soemaot se hem i glad we man i kam long Memoriol. Mo sekenwan, hemia afta we Memoriol i finis, nao pablisa i mekem plan blong toktok bakegen wetem man ya we i intres.

**18 minit: "Yusum Gud Buklet Ya, ?Hu i Stap Mekem Samting We Jehovah i Wantem?"** Kwestin mo ansa. Yu askem long wan pablisa blong i mekem wan pleplei blong seven minit. Hem i soemaot olsem wanem hem i yusum buklet ya.

Singsing 20 Mo Prea

## !Yumi Soemaot Se Yumi Glad We Oli Kam!

<sup>1</sup> I no gat wan taem we i moa gud blong givim witnes, i bitim taem blong Memoriol. Long yia ya, maet bambae i gat bitim 10 milian man long wol oli joen wetem yumi long Memoriol. Bambae oli harem ol tok we i soemaot bigfala samting we Jehovah mo Jesus tufala i mekem from we tufala i lavem yumi. (Jon 3:16; 15:13) Bambae oli kasem save long ol blesing we Jehovah i save givim long

1. ?Wetaem yumi evriwan i gat janis blong givim witnes? ?Yumi mekem samting ya olsem wanem?

olgeta from sakrefaes blong Jisas. (Aes. 65:21-23) Long taem ya, i no brata we i mekem tok nomo we i givim witnes long ol man. Yumi evriwan i gat janis blong mekem olsem, taem yumi soemaot long ol man se yumi glad we oli kam.—Rom 15:7.

<sup>2</sup> Taem yu stap wet blong miting i stat, yu save sekhan wetem ol niuwan we oli kam. I moa gud yu mekem olsem, i bitim we yu go sidaon kwaet nomo. Ol niuwan oli fraet mo oli no save se miting ya i olsem wanem. Taem yu sekhan mo yu toktok gud wetem olgeta, oli no moa fraet mo oli glad blong stap wetem yumi. I gud yu askem long man sipos hemia fastaem blong hem blong kam long miting, no maet hem i save wan Witnes blong Jehovah. Maet hem i talem se hem i kam from we hem i kasem wan pepa blong Memoriol. Yu save talem long hem blong i kam sidaon wetem yu blong serem Baebol mo buk blong singsing. Sipos yufala i mekem Memoriol long Haos Kingdom, yu save tekem hem i goraon blong i lulkuk ol samting insaed. Afta long miting ya, yu askem long hem sipos hem i gat sam kwestin. Sipos yufala i mas kamaot kwiktaem from we narafala grup bambae i kam insaed, yu save talem long hem se: "Mi mi wantem tumas blong save tingting blong yu long program ya. ?Yu yu gat wan mobaelfon we mi save kasem yu long hem?" Biaen yu mekem plan blong ring long hem. Ol elda tu bambae oli tekem janis blong leftemap tingting blong ol pablisa we oli no moa prij.

<sup>3</sup> Plante man we oli kam, maet hemia i fastaem blong olgeta blong luk we ol Witnes blong Jehovah oli glad, oli gat pis, mo oli joen gud, i olsem we oli stap long paradaes finis. (Sam 29:11; Aes. 11:6-9; 65:13, 14) Taem oli gobak long haos blong olgeta, ?wanem samting we bambae oli tingbaot? Ansa blong kwestin ya i dipen long fasin we yumi mekem long olgeta taem oli kam long Memoriol.

2. ?Yumi save mekem wanem blong soemaot long man se yumi glad we hem i kam?
3. I impoten tumas we yumi soemaot long ol man se yumi glad we oli kam. ?From wanem?

# **Yusum Gud Buklet Ya, ?Hu i Stap Mekem Samting We Jehova i Wantem?**


## **Blong Pulum Man We i Stadi i Kam Long Ogenaesesen**

<sup>1</sup> ?Yu yusum finis niufala buklet ya? Oli wokem buklet ya blong givhan long ol Baebol stadi blong oli save se: (1) yumi wanem kaen man, (2) wanem wok blong yumi, (3) yumi wok folem wanem plan. Long evri pej blong niufala buklet ya, i gat wan stadi. Long en blong stadi we yumi mekem wetem man, bambae yumi tekem faef no ten minit blong tokbaot wan pej blong niufala buklet ya.

<sup>2</sup> **Buklet Ya i Olsem Wanem?:** Buklet ya i gat tri haf blong hem. Ol haf ya wanwan oli tokbaot wan samting long saed blong ogenaesesen blong Jehovah, olsem we yumi luk long paragraf 1. I gat 28 stadi long hem. Ol taetel blong olgeta oli raetem olsem kwestin. Ol smol stamba tok we oli raetem long blak raeting, oli ansarem kwestin ya. Yu save luk ol pija blong bitim 50 kantri, we oli soemaot se wok blong yumi i kasem olgeta ples long wol. Long sam pej, i gat bokis ya tu we nem blong hem "Traem Save Moa." Long bokis ya, i gat sam advaes we yu save askem long Baebol stadi blong i folet.

<sup>3</sup> **Olsem Wanem Blong Yusum Buklet Ya?:** Fastaeem, yu soem taetel blong stadi. Biaen, yutufala i ridim ol haf, mo yu makem ol smol stamba tok we oli stap long blak raeting. Yutufala i tokbaot ol kwestin we i stap long en blong pej. Yutufala i save ridim ful pej wantaem, no maet yutufala i ridim mo tokbaot ol haf

1. ?Oli wokem niufala buklet ya blong wanem?
2. ?Niufala buklet ya i olsem wanem?
3. ?Yumi yusum buklet ya olsem wanem?



wanwan. Yu mas luksave ol vas we i gud blong ridim wetem man we i stadi. Yu no mas foget blong tokbaot ol pija, mo bokis ya "Traem Save Moa." Plante taem i gud yu tokbaot ol stadi ya, stat long fawan i go. Be sipes yu luk se wan stadi i stret long samting we man i intres long hem, yu save go stret long stadi ya. Sipes asembli i stap kam klosap, yutufala i save go stret long stadi 11, we i tokbaot ol asembli.

<sup>4</sup> Taem yumi mekem Baebol stadi long wan man, yumi stap givhan long hem blong i save gud Papa blong yumi long heven. Be yumi mas givhan long hem tu blong i save ogenaesesen blong Jehovah. (Prov. 6:20) !Yumi glad tumas long niufala buklet ya we i save givhan long yumi blong pulum man i kam long ogenaesesen ya!

4. ?Yumi glad tumas long niufala buklet ya from wanem?

## WIK WE I STAT LONG 25 MAJ

Singsing 76 Mo Prea

### ❑ Baebol Stadi Blong Kongregesen:

gt japta 133 (30 minit)

### ❑ Tiokratik Skul:

**Baebol riding:** Luk 4-6 (10 minit)

**N. 1:** Luk 4:22-39 (no bitim 4 minit)

**N. 2:** ?Baebol i Tokbaot Wanem?—fg pej 7, kwestin 3 (5 minit)

**N. 3:** ?Yu Mas Mekem Wanem Sipos Narafala i Spolem Yu?—/v pej 32-33 haf 16-18 (5 minit)

### ❑ Miting Blong Kingdom Wok:

Singsing 111

**5 minit:** Yumi Statem Wan Baebol Stadi Long Fas Saredé Blong Manis. Wan pablisa i mekem wan pleplei, i yusum fastok long pej 8 blong statem wan stadi long fas Saredé blong manis Eprel. Yu leftemap tingting blong evri-wan blong oli joen long wok ya.

**25 minit:** “*Yusum Gud Buklet Ya, !Gud Nius We i Kamaot Long God!*” Kwestin mo ansa. Taem yufala i kasem haf 6, yu askem long sam pablisa blong oli mekem tu pleplei.

Singsing 97 Mo Prea


## Yusum Gud Buklet Ya, !Gud Nius We i Kamaot Long God!

### Blong Mekem Ol Visit Mo Statem Baebol Stadi

<sup>1</sup> Las yia, long Asembli Blong Tri Dei, yumi glad tumas blong kasem niufala buklet ya, *!Gud Nius We i Kamaot Long God!* Yumi save yusum blong mekem ol visit mo blong statem ol Baebol stadi. Buklet ya i tekem ples blong narafala buklet ya, *Wanem Samting*. Tufala i klosap sem mak, be ol stadi blong niufala buklet ya oli sot moa. Taswe, i gud yumi yusum blong statem ol Baebol stadi, taem yumi stanap nomo long doa blong ol haos blong storian wetem ol man. Buklet ya *Wanem Samting* i tokbaot ol fasin we ol tru Kristin oli mas mekem. Samtaem i no isi blong olgeta we oli jes stat blong stadi oli agri long ol samting ya. Be niufala buklet ya i tokbaot gud nius we yumi faenem long Baebol.—Wok 15:35.

<sup>2</sup> ?Oli wokem niufala buklet ya from wanem? Plante brata long olgeta ples blong wol oli stap talem se oli nidim wan buklet blong pulum ol man blong oli laekem trutok, mo blong lidim olgeta oli go

1. ?Wanem niufala buklet we yumi kasem long las Asembli Blong Tri Dei?
2. ?Oli wokem buklet ya *Gud Nius* from wanem?



long buk ya *Baebol Tijim*, we yumi yusum blong mekem Baebol stadi long man. Plante man oli fraet blong stadi long wan buk we bambae i tekem longtaem blong finisim. Be oli glad blong stadi long wan buklet. Ol buklet oli isi blong tanem i go long fulap lanwis.

<sup>3</sup> **?Buklet Ya i Olsem Wanem?** Plante

3. ?Buklet ya i defren olsem wanem long ol narafala buk blong stadi?

---

## Leta Blong Hed Kampani

---

Oi Brata Mo Sista:

Papa blong yumi long heven, Jehova, hem i nambawan eksampol blong fasin ya blong lavem man. Taswe, Baebol i talem se: "God [hem] i lav." (1 Jon 4:8, NW) Jehova i gat olgeta paoa, be Baebol i no talem se, "God [hem] i paoa." Taem hem i rul long ol man, hem i soemaot lav long evri samting we hem i mekem. !Hemia i pulum yumi i kam klosap long hem!

Yumi glad se Jehova i no fosem yumi blong mekem wok blong hem. Hem i no mekem i strong tumas long yumi blong yumi obei. Hem i wantem se yumi mekem wok blong hem from we yumi lavem hem long fulhat blong yumi. Taem yumi mekem olsem, yumi soemaot we yumi wantem se hem i rul long yumi. Yumi bilif se hem nomo i naf blong rulum ol man long stret fasin mo lav. Yumi luk samting ya, stat long taem blong Adam mo Iv.

Jehova i no fosem Adam mo Iv blong tufala i obei long hem. Hem i letem tufala i jus. Sipos tufala i lavem Jehova mo tufala i tinghae long ol samting we Jehova i mekem long tufala, bambae tufala i no lessin long Setan taem hem i pulum tufala blong agensem Jehova.

Moses i toktok laswan long neson blong Isrel, i se: "Yufala nomo i jusumaot se yufala i wantem folem

ol gudfala fasin, no yufala i wantem folem ol fasin we i nogud. Yufala i mas jusumaot se yufala i wantem laef, no yufala i wantem ded." (Dut. 30:15) Oli fri blong jusum wanem we oli wantem mekem long laef blong olgeta. Josua tu i talem long ol man Isrel se: "Sipos yufala i no wantem biaen long [Jehova], be naoia yufala i mas **jusumaot** wanem god we yufala i wantem." Olgeta oli ansa se: 'Jehova i God blong yumi, mo bambae mifala i no save lego hem.' (Jos. 24:15, 16) Yumi tu yumi tingting olsem. Yumi lavem Jehova, taswe yumi no save lego hem.

Long kongregesen, yumi luk fasin ya we yumi fri blong jus. Baebol i talem se ol elda oli mas givim advaes mo stretem man, be oli no traem bos long laef mo bilif blong narafala. Aposol Pol i raetem se: "Mifala i no wantem mekem i strong long yufala, blong makem wanem tok i stret blong yufala i bilif long hem mo wanem i no stret, nogat. Bilif blong yufala i stanap finis. Mifala i wantem wok wetem yufala, blong mekem yufala i harem gud moa."—2 Kor. 1:24.

Taem yumi **wantem** mekem samting, yumi harem gud blong mekem. !Be yumi harem nogud taem man i fosem yumi! Jehova i askem long yumi blong yumi mekem samting we i stret. Be yumi mas mekem olsem from we yumi lavem hem. Ol tok we tabu spirit i pulum Pol blong raetem i soemaot samting ya, i se: "Sipos mi givimaot olting blong mi

i go nating nomo long ol puaman, mo mi letem ol enemi blong mi oli bonem mi long faea from we mi man blong Kraes, be mi no lavem man, bambae mi no winim wan samting nating.”—1 Kor. 13:3.

!Taem plante milian brata mo sis-ta oli mekem wok blong Jehova from we oli lavem hem long fulhat blong olgeta, oli leftemap nem blong Jehova mo oli mekem hem i glad tumas!

From samting ya, Jehova i lavem ol man blong hem. Mo hem i lavem ol pikinini mo ol yangfala tu we oli lavem hem, i winim we oli lavem wol ya mo ol samting we oli save har-em gud long hem. Yufala i mas save se mifala long hed kampani, mifala tu i lavem yufala tumas.—Luk 12: 42, 43.

Las yia, yufala ol brata mo sis-ta mo ol yangfala, yufala i spenem 1,748,697,447 aoa blong talemaot

gud nius, from we yufala i lavem Je-hova. Mo lav ya i pulum 7,782,346 man blong oli joen long wok blong prij. Yumi glad tumas se 268,777 niu-wan, we plante long olgeta oli yang-fala, oli givim laef blong olgeta i go long Jehova mo oli baptaes. Hemia i min se evri wik i gat 5,168 we oli bap-taes. !Yumi glad we yumi glad tumas long samting ya!

Long taem blong en ya, ol man blong God oli gat plante trabol blong winim. Laef i had, ol man oli agen-sem olgeta, plante oli sik no oli ol-fala. Be yumi gat strong tingting se yumi no save “tanemraon blong gobak” mo yumi no save “lego.” Mifa-la i lavem yufala tumas.—Hib. 10:39; 2 Kor. 4:16.

Ol brata blong yufala,

*Ked Kampani Blong  
Ol Witnes Blong Jehova*

long ol buk blong stadi, ol man oli save ridim olgeta mo kasem save long trutok. Oli no nidim wan man blong givhan long olgeta. Be niufala buklet ya i defren. Man we i yusum buklet ya blong stadi long Baebol i nidim **wan tija**. Taswe, taem yumi soemaot buklet ya long ol man, i gud yumi **tokbaot** wan no tu paragraf wetem hem. Ol paragraf oli sot, taswe yu save tokbaot olgeta, taem yu stanap nomo long doa blong haos blong man, no long stoa mo long ofis. Yumi save stat long fas pej blong buklet ya, be i no nid blong mekem olsem evri taem. Yumi save statem wan stadi long eniples long buklet.

<sup>4</sup> Long plante buk blong yumi, ansa blong ol kwestin i stap long ol paragraf. Be long buklet ya, klosap oltaem man i mas ridim vas blong Baebol blong faenem ansa blong kwestin. Bighaf blong ol man oli wantem luk ol ansa we Baebol i givim, i no ol ansa we buk i talem. Taswe, klosap evri vas long buklet ya, oli no raetem ol toktok blong hem insaed. Man i mas ridim olgeta stret long Baebol. Hemia i givhan long ol Baebol stadi blong oli luksave se samting we oli stap lanem i kamaot long God nomo.—Aes. 54:13.

<sup>5</sup> Buklet ya i no eksplenem ol vas, from we hemia i pulum man we i stadi blong i askem kwestin. Mo tu, tija i gat janis blong yusum ol gudfala rod blong tij. From samting ya, i impoten blong rere gud evri taem. Be yu mas lukaot se yu no toktok tumas. Yumi evriwan i laekem tumas blong tokbaot Baebol. Be plante taem i moa gud yumi askem long man blong i talem tingting blong hem long wan vas. Sipos yumi askem ol gudfala kwestin, yumi save givhan long man ya blong i luksave mining blong ol vas.—Wok 17:2.

4. ?Buklet ya i givhan long yumi olsem wanem blong tijim man stret long Baebol?

5. ?From wanem yumi mas rere gud evri taem blong stadi wetem man?

<sup>6</sup> Yumi save givimaot buklet ya enitaem, olsem ol naraftala buk we yumi yusum blong stadi. I no nid blong wet long manis we oli makem blong serem-aot. Plante bambae oli glad blong yusum, taem oli askem stret long man blong i stadi. Mo tu, yumi save mekem olsem yumi harem long asembli. Yumi yusum buklet ya taem yumi mekem visit long man we i intres. “!Hemia i save mekem se yumi glad tumas blong mekem ol visit!”—Luk-luk ol bokis long pej 7-9.

<sup>7</sup> **?Bambae Yu Mekem Baebol Stadi Olsem Wanem?**: Fastaem, yu ridim wan kwestin we i gat namba i stap klosap long hem. Nao yu ridim paragraf, mo yu ridim ol vas we oli stap long raeting we i lei. Yu askem ol gudfala kwestin blong givhan long man blong i kasem save long ol

6. ?Yumi save yusum buklet ya olsem wanem (1) blong storian wetem man we i no bilif strong long God mo Baebol? (2) taem yumi prij long ol haos wanwan? (3) blong askem stret long man blong i stadi? (4) long ol visit?

7. ?Yu save yusum buklet ya olsem wanem blong mekem Baebol stadi?

### Man We i No Bilif Strong Long God Mo Baebol:

● Long sam ples, ol publisa oli luk se ol man oli no wantem harem tok ya “God” mo “Baebol.” Sipos i gat sam ples long teritori blong yufala we oli olsem, maet i gud yu tokbaot fastaem wan samting we ol man oli wari long hem. Yu save tokbaot se yumi nidim wan gavman we i save stretem ol trabol blong man. Sipos no, yu tokbaot samting we i save givhan long ol famle blong oli winim ol trabol, mo wanem fiuja blong ol man. Maet yu mas storian plante wetem man blong tokbaot ol samting we oli pruvum se God i stap, mo from wanem yumi save tras tem Baebol. Nao biaen, yu save soem buklet ya *Gud Nius* long hem.

vas. Bifo we yu go long nekis paragraf, yu askem sem kwestin bakegen we i stap long blak raeting, blong meksua se man ya i kasem save. Long ol fas visit, maet i moa gud yu tokbaot wan kwestin nomo. Slo-slo, yu savemekem ol visit oli longfala moa gogo yu finisim evri kwestin.

8 Ol vas we oli talem se yumi mas “ridim,” hemia ol vas we oli soemaot ansa blong kwestin we i stap long blak raeting. Bifo we yu ridim wan vas, yu no mas talem se, “Aposol Pol i raetem se,” no “Yu traem makem gud ol tok ya blong Jere-

8. ?Bifo we yu ridim wan vas, yu no mas talem wanem? ?From wanem?

### Prij Long OI Haos Wanwan:

- “Mi mi wantem soemaot long yu wan isi rod blong save plan we God i gat long ol man. ?Yu yu ting se God bambae i tekemaot ol trabol we oli mekem yumi harem nogud? [Yu letem man i ansa.] Buklet ya i talem wan vas blong Baebol we i ansa long kwestin ya. [Yu givim wan buklet long hem, mo yu ridim fas paragraf long Stadi 1. Biaen, yu ridim Jeremaea 29:11.] ?OI tok ya i soemaot wanem? ?Yu ting se God i wantem we yu yu gat wan gudfala fiuja?” Yu letem man i ansa. Sipos hem i gat taem, yu ridim seken paragraf mo tri vas blong Baebol, mo yu tokbaot olgeta. Afta, yu mekem plan blong kambak mo tokbaot seken kwestin. Sipos hem i no gat taem, yu gohed olsem: “Yu save holem buklet ya. Nekis taem, bambae yumitu tokbaot seken paragraf. Bambae yumitu faenem ansa blong kwestin ya se: ‘?God bambae i mekem wanem blong tekemaot ol samting we i mekem man i harem nogud?’”
- “Plante man oli wari long fiuja blong wol. ?Yu yu ting se ol samting bambae oli kam gud? [Yu letem man i ansa.] Plante man oli sapraes blong save se, long Baebol, i gat gud nius we yumi save putum tingting blong yumi i stap strong long hem. Sam kwestin we Baebol i givim ansa long olgeta, oli stap long buklet ya.” Yu givim buklet long hem, yu soem ol kwestin long las pej, mo yu askem long hem se hem i intres long wanem kwestin. Nao yu openem buklet long stret pej, mo yu soemaot long hem olsem wanem blong stadi. Yu mekem plan blong kambak blong tokbaot nekis kwestin.

maea.” Sipos yumi mekem olsem, man we yumi storian wetem hem i save ting se hem i stap ridim ol tok blong man nomo. I moa gud yumi talem se, “Tok blong God i talem se,” no “Yu traem luk samting we Baebol i talem.”

9 ?Olsem wanem? ?Yu mas ridim **olgeta** vas we oli stap? ?No yu mas ridim **nomo** ol vas we oli makem se “ridim”? I dipen long man we yu storian wetem hem. Ol vas ya oli no stap blong nating nomo. Evri vas i gat save long hem we i gud blong tokbaot. Be samtaem, man i gat smoltaem nomo, no i intres smol

9. ?Yu mas ridim olgeta vas we oli stap?

tem man i ansa.] Mi mi gat wan buklet we i save givhan long yu blong yu faenem ansa long ol kwestin ya. [Yu givim buklet long hem, mo yu tokbaot fas paragraf long Stadi 12 wetem ol vas we oli blong “ridim.”] ?Olsem wanem? ?Yu yu glad blong save se God i rere blong lesin long yu? Be blong kaseem ol gudfala samting from prea, yu mas save gud God. [Yu soem Stadi 2 long buklet, mo yu ridim ol smol stamba tok.] Sipos yu yu glad, bambae mi lego buklet ya wetem yu. Nekis taem bambae yumitu ridim ansa we Baebol i givim long ol gudfala kwestin ya.”

● “Plante man oli wari long fiuja blong wol. ?Yu yu ting se ol samting bambae oli kam gud? [Yu letem man i ansa.] Plante man oli sapraes blong save se, long Baebol, i gat gud nius we yumi save putum tingting blong yumi i stap strong long hem. Sam kwestin we Baebol i givim ansa long olgeta, oli stap long buklet ya.” Yu givim buklet long hem, yu soem ol kwestin long las pej, mo yu askem long hem se hem i intres long wanem kwestin. Nao yu openem buklet long stret pej, mo yu soemaot long hem olsem wanem blong stadi. Yu mekem plan blong kambak blong tokbaot nekis kwestin.

nomo, no i no save rid gud. Sipos i olsem, maet yu luk se i moa gud blong jekem ol vas nomo we oli makem se yumi mas “ridim.”

#### **10 ?Wetaem i Stret Blong Go Long**

**Buk Ya Baebol Tijim?**: Afta we yu mekem plante visit long wan man mo yu stap follem fasin blong mekem stadi, yu save jenis i go long buk ya *Baebol Tijim*. Sipos no, yu goheda nomo long buklet ya *Gud Nius*. Ol pablisa oli mas naf blong skelem ol samting mo luksave wetaem i stret blong jenis. Taem yu jenis, ?yu mas stat long fas japta blong buk ya *Baebol Tijim*? I no gat ol rul long saed ya. Olgeta man oli defdefren. Plante man oli luk se i gud blong stadi long sem samting bakegen long buk ya *Baebol Tijim*, from we hem i givim plante moa save long ol poen.

<sup>11</sup> I no gat plante gud nius long wol ya.

10. ?Wetaem i stret blong go long buk ya *Baebol Tijim*?

11. ?From wanem yumi mas yusum gud niufala buklet ya?

#### **Ol Visit:**

- Taem yu gobak luk wan man we i intres, yu save talem se: “Mi mi glad blong luk yu bakegen. Mi karem wan buklet blong yu. Hem i soemaot ansa we Baebol i givim long plante gudfala kwestin. [Yu givim buklet long hem, mo yu askem long hem blong i lukluk las pej.] ?Weswan long ol kwestin ya we yu yu wantem save ansa blong hem? [Yu letem man i ansa. Nao yu openem buklet long stret pej.] Bambae mi soemaot long yu olsem wanem blong yu-sum buklet ya blong faenem ol ansa we Baebol i givim.” Nao yu tokbaot wan no tu paragraf mo ol vas we oli raetem “ridim.” !Saye, yu statem wan Baebol stadi finis! Yu lego buklet wetem man ya, mo yu mekem plan blong kambak. Taem yu finisim wan stadi, yu save tokbaot wan narafala stadi we man i jusum. Sipos no, yu statem long Stadi 1.

#### **Askem Stret Long Man Blong i Stadi:**

- “Mi mi kam blong soemaot long yu olsem wanem blong stadi Baebol. Buklet ya i tokbaot 15 kwestin, mo i soemaot weples long Baebol yumi save faenem ansa long ol kwestin ya. [Yu soem fran pej mo las pej.] ?Olsem wanem? ?Yu yu bin traehad blong kasem save long Baebol? [Yu letem man i ansa.] I isi nomo blong stadi long buklet ya. Mi wantem soemaot long yu. [Yu tokbaot Stadi 3, kwestin 3, fas paragraf, mo yu ridim Revelesen 21:4, 5. Sipos i gat taem, yu tokbaot nekis paragraf mo yu tokbaot ol vas we oli raetem “ridim.”] Sipos yu yu glad, bambae mi lego buklet ya wetem yu. Nekis taem yumitu save gohed, mo sipos yu laekem, yumitu save gohed evri taem olsem. Nekis taem, bambae yumitu tokbaot fas kwestin long buklet ya. Haf ya i sot nomo.”

Be yumi gat wan nambawan blesing. Yumi talemaot gud nius we i beswan, hemia se Kingdom blong God i stap rul, mo i no longtaem bambae i mekem wol ya i kam niuwan we i fulap long stret fasin nomo. (Mat. 24:14, NW; 2 Pita 3:13) Yumi bilif strong se plante we oli harem gud nius ya, bambae oli talem ol tok ya blong Baebol se: “I gud tumas blong luk man blong karem tok, we i wokbaot, i kamkros long ol bigbigfala hil, blong kam talemaot gud nius, we i nius blong pis. !Samting ya i gud tumas blong luk! Bambae man olsem i kam long Saeon, i talemaot long yumi se, ‘!God blong yufala i King! !Hem i stap sevem yufala!’” (Aes. 52:7) !Yumi mas yusum gud niufala buklet ya, blong karem gud nius we i kamaot long God i go long ol man we oli tosta from trutok!

## WIK WE I STAT LONG 1 EPREL

Singsing 38 Mo Prea

### ❑ Baebol Stadi Blong Kongregesen:

fy japta 1 ¶1-9 (30 minit)

### ❑ Tiokratik Skul:

**Baebol riding:** Luk 7-9 (10 minit)

**N. 1:** Luk 7:18-35 (no bitim 4 minit)

**N. 2: ?Yu Mas Mekem Wanem Blong Kasem Save Long Baebol?**—fg pej 7, kwestin 4 (5 minit)

**N. 3: ?Wetaem Yumi Mas Finis Blong Fren Wetem Narafala?**—lv pej 34-35 haf 19-21 (5 minit)

### ❑ Miting Blong Kingdom Wok:

Singsing 113

**10 minit: Sam Tingting Blong Seremaot Magasin Long Manis Eprel.** Tok wetem sam kwestin mo ansa. Blong wan minit, yu tokbaot from wanem ol magasin ya oli save pulum tingting blong ol man long teritori blong yufala. Biaen, yu jussum ol fas stori long *Wajtaoa*, mo yu askem long ol brata mo sista blong oli tokbaot sam kwestin we i save pulum tingting blong man, mo wanem vas we oli yusum. Yu mekem sem mak long ol fas stori long *Wekap!* Sipos i gat taem, yu save tokbaot wan narafala haf blong *Wajtaoa no Wekap!* Yu askem long sam publisa blong oli mekem tu pleplei, wan i blong seremaot *Wajtaoa* mo narawan i blong seremaot *Wekap!*

**10 minit: Lokol nid.**

**10 minit: Yumi Yusum Gud 2013 Yearbook.** Tok wetem sam kwestin mo ansa. Tokbaot "Leta Blong Hed Kampani." Yu mekem plan fastaem wetem sam publisa blong oli tokbaot sam stori long *Yearbook*. Yu askem long samfala blong oli tokbaot ripot blong fulwol. Long lastok blong yu, yu pulum ol man blong oli ridim *Yearbook* fulwan.

Singsing 75 Mo Prea

## Advaes

■ **Maj Mo Eprel:** *Wajtaoa mo Wekap!* Taem yu go luk man bakegen, yu save givim buk ya *Baebol Tijim* mo yu traem statem Baebol stadi. Sipos no, yu yusum buklet ya *Yu Mas Lesin Long God Nao Bambae Yu Laef Olwe*. **Mei Mo Jun:** Yu yusum wan long ol traket ya: *?Yu Yu Wantem Save Trutok?, Laef Long Pis Blong Nyufala Wol, ?Olsem Wanem Long Ol Fren Blong Yumi We Oli Ded?, From Wanem Yu Yu Save Bilif Long Baebol, ?Wanem Bilif Blong Ol Witness Blong Jeova?* Sipos man i glad, yu soemaot long hem olsem wanem blong stadi long buk ya *Baebol Tijim* no buklet ya *Yu Mas Lesin Long God Nao Bambae Yu Laef Olwe*.

■ Memoriol bambahae i stap long Tusde 26 Maj. Sipos kongregesen i gat miting oltaem long Tusde, i gud yufala i jenisim dei blong miting blong yufala. Sipos ol elda oli talem se i no gat miting, jeaman blong kampani blong ol elda i mas meksua se ol haf blong Miting Blong Kingdom Wok we oli stret long kongregesen blong yufala, bambahae oli kamaot long nekis miting. Ol kongregesen we oli gat visit blong eria elda long wik blong Memoriol, bambahae oli mekem miting blong Tusde, long wan narafala dei blong wik.

## Ol Fastok

### Blong Statem Ol Baebol Stadi Long Fas Sarede Blong Manis Eprel

"Long manis ya, plante man oli stap tingbaot Jisas. Taswe, mifala i kam blong ansarem wan kwestin we plante man oli askem. [Yu soem kwestin long las pej blong *Wajtaoa* blong Eprel-Jun.] ?Yu tu yu tingbaot kwestin ya samtaem?" Yu letem man i ansa. Yu tokbaot fas haf mo wan long ol vas we oli stap. Yu askem long man blong i ridim magasin ya, mo yu mekem plan blong kambak blong tokbaot nekis kwestin.

### WAJTAOA Eprel-Jun

"Long manis ya, plante man oli tingbaot taem ya we Jisas i laef bakegen. Be plante man oli no save ol blesing we yumi save kasem from we Jisas i ded mo i laef bakegen. ?Yu bin tingbaot samting ya? [Yu letem man i ansa.] Yu traem luk bigfala blesing we vas ya i tokbaot. [Yu ridim 1 Korin 15:20-22.] Magasin ya i tokbaot taem ya we Jisas i laef bakegen, mo wanem blesing we yumi save kasem from."

### Wekap! Eprel-Jun

"?Yu ting se i isi blong ol papa mo mama oli tijim ol pikinini blong olgeta? [Yu letem man i ansa.] Plante papa mo mama oli faenem ol gudfala advaes long Baebol. [Yu ridim Kolosi 3:21.] Vas ya i givhan long ol papa blong oli tekem evri janis blong talem gudfala toktok long pikinini from samting we hem i mekem, nao pikinini i grup wetem strong tingting. Magasin ya i tokbaot faef advaes blong givhan long ol papa."